



ქალაქ ფოთის მუნიციპალიტეტის საკრებულო

განკარგულება № 19/59

2018 წლის 27 სექტემბერი

ქალაქი ფოთი

**ქალაქ ფოთის მუნიციპალიტეტის საკრებულოს წევრის
თორნიკე ხარჩილავას უფლებამოსილების ცნობის შესახებ**

საქართველოს ორგანული კანონის „ადგილობრივი თვითმმართველობის კოდექსის“ 43-ე მუხლის პირველი პუნქტის „ა“ ქვეპუნქტისა და მე-4 პუნქტის შესაბამისად, ქალაქ ფოთის მუნიციპალიტეტის საკრებულოს წევრს, ოთარ ხარჩილავას უფლებამოსილება შეუწყდა პირადი განცხადების საფუძველზე 2018 წლის 25 აგვისტოდან.

საქართველოს ორგანული კანონის „საქართველოს საარჩევნო კოდექსის“ 154-ე მუხლის პირველი და მე-2 პუნქტების შესაბამისად, თუ პროპორციული საარჩევნო სისტემით არჩეულ საკრებულოს წევრს ვადამდე შეუწყდა საკრებულოს წევრის უფლებამოსილება, შესაბამის საკრებულოში მის ადგილს 2 კვირის ვადაში იკავებს მისი ადგილმონაცვლე, იმავე პარტიულ სიაში რიგით მომდევნო კანდიდატი, თუ მან შესაბამისი საოლქო საარჩევნო კომისიის შეტყობინებიდან 10 დღეში თანხმობა განაცხადა საკრებულოს წევრობაზე. თუ წარდგენილ პარტიულ სიაში კანდიდატი აღარ არის, მანდატი უქმდება. თუ საკრებულოს გამოკლებული წევრი არჩეული იყო საარჩევნო ბლოკის პარტიული სიით და პარტიულ სიაში აღნიშნული იყო, რომ იგი საარჩევნო ბლოკში გაერთიანებული ერთ-ერთი სუბიექტი პარტიის წევრია, მის ადგილს 2 კვირის ვადაში იკავებს პარტიულ სიაში იმავე პარტიის რიგით მომდევნო საკრებულოს წევრობის კანდიდატი, თუ მან ვაკანსიის წარმოშობიდან 10 დღეში თანხმობა განაცხადა საკრებულოს წევრობაზე. წინააღმდეგ შემთხვევაში ვაკანტურ ადგილს დაიკავებს პარტიულ სიაში იმავე პარტიის რიგით მომდევნო კანდიდატი და ა. შ.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის მე-13 მუხლის პირველი და მე-2 პუნქტების შესაბამისად, საკრებულოს წევრის უფლებამოსილების ცნობა ხდება საკრებულოს მიერ შესაბამისი საარჩევნო კომისიის წარდგინებისა და საკრებულოს იურიდიული, სამანდატო, საპროცედურო საკითხთა და ეთიკის კომისიის დასკვნის საფუძველზე. საკრებულოს წევრის უფლებამოსილების ცნობის შესახებ გადაწყვეტილება მიიღება ღია კენჭისყრით.

№70 ფოთის საოლქო საარჩევნო კომისიამ 2018 წლის 9 სექტემბრის №66 წერილით, ქალაქ ფოთის მუნიციპალიტეტის საკრებულოს წარმოუდგინა №70 ფოთის საოლქო საარჩევნო კომისიის თავმჯდომარის 2018 წლის 9 სექტემბრის №03/2018 განკარგულება და საკრებულოს გამოკლებული წევრის ადგილმონაცვლის თორნიკე ხარჩილავას თანხმობა.

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2018 წლის 26 სექტემბრის დასკვნის თანახმად, საკრებულოს გამოკლებული წევრის ადგილმონაცვლის თორნიკე ხარჩილავას, როგორც საკრებულოს წევრის უფლებამოსილების ცნობა შესაბამისობაშია მოქმედ კანონმდებლობასთან.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „ბ.გ“ ქვეპუნქტის შესაბამისად, საკრებულოს კომპეტენციაა, მუნიციპალიტეტის საკრებულოს წევრის უფლებამოსილების ცნობა.

აღნიშნულიდან გამომდინარე:

მუხლი 1.

ცნობილ იქნეს ქალაქ ფოთის მუნიციპალიტეტის საკრებულოს წევრის თორნიკე ხარჩილავას უფლებამოსილება.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2018 წლის 27 სექტემბრიდან.

საკრებულოს თავმჯდომარე



ირაკლი კაკულია